

ԳՐԱԲԱՐԻ ՉԵՁՈՔ ՍԵՌԻ ՀԱՐԱԳՐԱՎՈՐ ԲԱՅԵՐԻ ԴԱՍԱԿԱՐԳՈՒՄԸ ԸՍՏ
ԽՆԴՐԱՌԱԿԱՆ ԵՎ ՊԱՐԱԳԱՌԱԿԱՆ ԱՐԺՈՒՅԹՆԵՐԻ

Գ.Կ.ԽԱՉԱՏՐՅԱՆ

Հարադրավոր բայերն ուսումնասիրության նյութ է դարձրել պրոֆ. Ա.Մարգարյանն իր մենագրության մեջ¹, որտեղ հեղինակն արդի հայերենի հարադրավոր բայերին զուգահեռ արժեքավոր դիտարկումներ ունի նաև գրաբարի հարադրավոր բայերի բովանդակության և մասնավորապես արտահայտության պայմանների մասին: Նշված աշխատության մեջ, սակայն, հեղինակը քննության չի ենթարկել հարադրավոր բայերի արժույթի հետ կապված հարցեր: Պատճառը, կարծում ենք, այն է, որ քերականական արժույթի գաղափարը մեզանում սկսել է արծարծվել մեր դարի 70-ականների կեսերից, երբ գիտական շրջանառության մեջ մտավ ակադ. Գ.Ջահուկյանի «Ժամանակակից հայերենի տեսության հիմունքները» (Ե., 1974) աշխատությունը, որտեղ հեղինակը, տալով արժույթի՝ որպես քերականական իրողության սեղմ, բայց ամբողջական բնութագիրը, արդի հայերենի բայերը դասակարգել է ըստ վերջիններիս արժույթային առանձնահատկությունների:

Ներկա շարադրանքում քննության ենք առել գրաբարի չեզոք սեռի հարադրավոր բայերը՝ կարևորելով դրանց արժույթի դրսևորումներից երկուսը՝ խնդրառությունն ու պարագառությունը:

Չեզոք սեռի հարադրավոր բայերի խնդրառությունը: Խնդրառական արժույթի տեսանկյունից չեզոք սեռի հարադրավոր բայերը աչքի են ընկնում անմիջականակությամբ՝ բաժանվելով երկու խմբի՝

Ա. խնդրառությամբ արժութագուրկ չեզոք սեռի բայեր,

Բ. խնդրառությամբ չեզոք սեռի հարադրավոր բայեր:

Խնդրառու չեզոք սեռի բայերի՝ իրարից ունեցած տարբերությունն այն է, որ նրանց մի մասը խնդրառությամբ միարժույթ է, իսկ մյուս մասը՝ երկարժույթ: Համառ. խնդրառությամբ միարժույթ և երկարժույթ հետևյալ բայերը՝ Նմա միայն տալս տարցին (Ագաթ., 407):

Չեզոք սեռի՝ խնդրառությամբ արժութագուրկ հարադրավոր բարդությունների կազմությանը մասնակցում են ոչ միայն չեզոք սեռի բայեր, ինչպիսիք են՝ անկանիմ, անցանել, ընթանալ, գալ, դնալ, դիպիմ, ելանել, ընկալնում, իջանել, խազալ, կալ, հայիմ, հասանել, մտանել, յառնել, նստիմ, փախչիմ, այլ նաև մի շարք ներգործական սեռի բայեր, ինչպես՝ ածել, արկանել, արբել, բառնալ, գաանիմ, դնել, զգալ, թափել, ընուլ, խոցել, կալնուլ, կոտորել, վարել, վրիպել և այլն: Օրինակ՝ Ուր գողք ական հատանեն (Մատթ., Լ, 42): Սառուղաբար արար ընդ անձին իւրում (Խոր., 301): Մի՞թէ ի կաքաւս իջանիցես, պար անցանիցես (ՆՀԲ): Ընդ կրուկն դարձաւ քաջն Տերենտիանոս (Խոր., 307):

Թեև չեզոք սեռի դարձվածքային հարադրավոր բայերը գրաբարի լեզվական աղբյուրներում մեծ թիվ են կազմում, սակայն նկատենք, որ հարադրի գործառությունը հանդես են գալիս հիմնականում գրաբարի ակտիվ բառապաշարի շերտ կազմող մի քանի գոյականներ և այլ բառեր: Դրանցից են՝ աթոռ, ական, այլ, անձն, սար, աչք, աշխարհ, բան, բերան, բուռն, գինի, գին, երեսք, թիւ, ժամ,

¹ Տե՛ս Ա.Մ. Մարգարյան, Հայերենի հարադիր բայերը, Ե., 1966:

² Աստվածաշնչյան այս և հետագա օրինակները քաղել ենք Վենետիկի 1861թ. հրատարակությունից՝ գիտական շրջանառության մեջ հայտնի Համառոտագրություններով:

լեզու, կին, Հոգի, ձեռն, միմեանս, միտք, ոգի, ոտն, սիրտ, քուռն և այլն: Անշուշտ, դրանք տարբեր բարդությունների մեջ Հանդես են գալիս քերականական տարբեր ձևերով: Նպաստելով այս կամ այն բայիմաստի արտահայտմանը: Օրինակ՝ Զուրքն դարձան զանձամբք /«շրջվեք», «շրջան կատարեք»/ (ՆՀԲ): Սա ինքն անցեալ էր զաւուրքք բաղմօք (Ղուկ., Ա, 18):

Խնդրառությունը միարժույթ Հարադրավոր բայերի բնության խնդիրը կարող է արտահայտվել՝

1. տրական Հոլովով, որ պահանջում են այց առնել, յայց ելանել, անարգանս առնել/դնել, անդորր առնել, կաշառ խթել, կարեկից լինիմ, կենակից լինիմ, կեր լինիմ, տեղեակ լինիմ, ի փորձ մտանել, ընդ փորձ անցուցանել և այլ բայեր: Օրինակ՝ Իրագագ եղեալ խորհրդոյ (Փարպ., 57): Պատասպարան լինիմ, սկարաց (Ա Թեսաղ., Ե, 14) և այլն:

Որոշ Հարադրավոր բայերի՝ տրականով արտահայտված բնության խնդիրը բացակայում է՝ տվյալ նախադասության բովանդակության պլանում: Ենթադրվելու պատճառով: Օրինակ՝ Իսկ Տիրան, Հարեալ սպասաւորութիւն, անցուցանէ զամբարիշտն Յուլիանոս ընդ Եփրատ (Խոր., 271):

Տրականից բացի՝ այս շարքի որոշ բայեր միաժամանակ պահանջում են նաև գործիական Հոլովաձևով կամ կապական կապակցությամբ արտահայտված բնության խնդիր ևս, որը, սակայն, այդ բայերի համար պարտադիր և ուժեղ կառավարման արտահայտություն չէ: Օրինակ՝ Ահ ինչ արկանել ձեզ թղթովքս (Բ Կոր., Ժ, 9)³:

Տրականով բնության խնդիր պահանջող Հարադրավոր բարդությունները բաղադրված են բաղադրիչներով՝ դեպքերում իրարից տարանջատվում են նշված բնության խնդրով, երբեմն էլ՝ այլ անդամներով ևս, ինչպես՝ Եւ արարին նամակին պատասխանի (Եղիշէ, 27) և այլն:

Տրականով արտահայտված բնության խնդիրը շարադասությամբ կարող է լինել և՛ նախադաս, և՛ վերջադաս: Հմտ. Նմա ընդառաջ լինի ոմն Պակարոս անուն (Խոր., 133) և՛ ընդ առաջ լինէր նմա իշխանն Գարդմանից (Կորին., 72):

Տրական Հոլովաձևով արտահայտված բնության խնդիրը պահանջում է մի դեպքում՝ Հարադրավոր բայերի Հարադրի կողմից, մյուս դեպքում՝ Հարադրավոր բարդության բայական բաղադրիչի կողմից, իսկ երրորդ դեպքում՝ ողջ բարդության կողմից:

2. Բացառական Հոլովով, որ պահանջում են ազատամիտ լինիմ, անբաժան լինիմ, Թափուր լինիմ/մնալ, Թեթեալ լինիմ, Հրաժեշտ լինիմ/առնուլ, ձեռնթափ լինիմ, ի փախուստ դառնալ, փախստական լինիմ և այլ բայեր: Օրինակ՝ Ի բաց կացցեն յայնպիսի վրիպական օրինաց (Եղիշէ, 48):

Բազմաթիվ կառույցներում բացառականով բնության խնդիրը չի հիշատակվում, այլ ենթադրվում է բովանդակության պլանում, ինչպես՝ Զիարդ Համահարք եւ միոյ մօր որդիք երկպառակք լինիցին (Եղիշէ, 170):

³ Ի դեպ, ահ արկանել, զամօթ զգենուլ, անդորր առնել և այլ բայեր բովանդակության պլանում չեղծ սեռի պատճառական բայեր են և նշանակում են, Համապատասխանաբար, «վախեցնել», «ամաչեցնել», «խաղաղեցնել»:

Բացառականի քերականական իմաստները դրաբարում արտահայտվում են նաև կապական կապակցությամբ, ինչպես՝ Նոյս ետ յերեսաց առն իսրայելի ընդ ճանապարհ անապատին (Դատ., Ի, 42): Ի փախուստ դառնայր յերեսաց զօրավարին Մանուկի (Բուզ., 204): Մի շարք դեպքերում էլ բացառականով արտահայտված բնության խնդրին փոխարինում է բացառականով արտահայտված պարագան, ինչպես՝ Ոչ աւուրք միով յառաջ ժամանցին խոյս տալ ի քաղաքէն (Փարպ., 145): Անդէն դեքն չիք յաջաց լինին (ՆՀԲ) և այլն:

Բացառականով արտահայտված որոշ խնդրառու բայեր ունեն դարձվածքային արժեք, ինչպես՝ Դարձի՛ք ընդ կրուկն ի նմանէ (Բ Թագ., ԺԱ, 15):

Ուշիդ խմատից բացի՝ մի շարք բայեր կիրառվում են փոխաբերական իմաստով, ինչպես՝ ի բաց դառնայր ի խրատուէ (Նոր., 68): Բացառականով բնության խնդիրը շարադասությամբ սովորաբար կա՛մ նախադաս դիրք է գրավում, կա՛մ վերջադաս, սակայն հազվադեպ այն հանդիպում է նաև միջադաս կիրառությամբ: Հմնտ. Թափուր ի հոգւոյն մնացեալս ... (Նոր., 363): Թերաթափ լինի գինին ի գլխոյն (Մանդ.) և՛ Յանարթանից ձեռնթափ լինի (ՆՀԲ):

Խնդրառությունը միարժույթ մի խումբ չեզոք սեռի հարադրավոր բայեր կարող են պահանջել ոչ թե այս կամ այն հոլովաձևով, այլ երկրորդական նախադասությամբ արտահայտված բնության խնդիր, ինչպես՝ Քանզի հասեալ էր ի վերայ, եթէ յիրաւի դատապարտեցաւ այլն (Շղիշէ, 135):

3. Կապական կապակցություններով՝ ձևավորված հետևյալ մասնակաղապարներով՝

ա) «ԸՆԴ - տրական հոլովով կապվող բառաձև», որպիսին պահանջում են ընդեղակից լինիմ, համակամ լինիմ, ճակատ տալ, զճակատ մղել, յուխտ մտանել և այլ հարադրավոր բայեր: Օրինակ՝ Դաչինս կոէր ընդ նմա (Ագաթ., 462): Եմուտ ընդ նմա յուխտ հաստատութեան (Շղիշէ, 73):

բ) «ԸՆԴ - հայցական հոլովով կապվող բառաձև», որպիսին պահանջում են աղ առնուլ («հաց կտրել»), աղ եւ հաց ուտել, իմաստասիրակից լինիմ, խառնուրդ լինիմ, խորհուրդ դնել, մարտակից լինիմ և այլ հարադրավոր բայեր⁵: Օրինակ՝ Մի՛ բանակուիւ լինել ընդ միմեանս (Բ Տիմ., Բ, 14, Վրբ.): Եղեն խառնուրդք երկոցունց գնդացն ընդ միմեանս (Բուլ., 201) և այլն:

Նկատելի է, որ ընդ նախդրի հետ կապակցվող բառաձևի գործառույթ կարող են կատարել հիմնականում եզակի տրական և հոգնակի հայցական հոլովաձևերը:

գ) «Ի(յ) -(+) եզակի թվի տրականով կապվող բառաձև», որպիսին պահանջում են զակն պահել, խամ դոռնիմ, քաջալեր լինիմ և այլ բայեր: Օրինակ՝ Զի ի նմա պահելով զակն (Նոր., 257) և այլն:

Հարկ է նշել, որ Ի(յ) նախդրի հետ կապվող բառաձևի գործառույթով հանդես եկող եզակի թվի տրական հոլովաձևը գլխաբարում ավելի հաճախ արտահայտում է պարադայական, քան թե խնդրային քերականական հարաբերություն:

դ) «Ի(յ) -(+) հայցական հոլովով կապվող բայաձև», որպիսին պահանջում են ընդ ակամբ հայիմ, ակնարկի առնել, այրընտիր լինիմ, գուն դնել, վստահ լինիմ, քաջայոյս լինիմ և այլն: Օրինակ՝ Ընդ ակամբ հայէր ի նա (Նոր., 306): Ակնարկի առնէին յիս (Սաղմ., ԼԴ, 19) և այլն:

Նկատենք, որ այս դեպքում եզակի թվի հայցականով արտահայտված կապվող բառաձևերը հիմնականում անձնանիշ գոյականներ և դերանուններ են:

ե) «Զ + բացառական հոլովով կապվող բառաձև», որպիսին հիմնականում պահանջում են ասացական, «զգացական և հոգեկան վիճակ արտահայտող» հարադրավոր մի շարք բայեր, ինչպես՝ բանիւ անցանել, դատաստան տալ, դժգոհ լինիմ, դիտակ լինիմ, խօսս արկանել և այլն: Օրինակ՝ Հրամայիցի՞ս

⁵ Նշված մի շարք հարադրավոր բայեր պահանջում են փոխադարձ գործողությամբ իրար հետ կապված առարկաներ, և պատահական չէ, որ դրանք արտահայտվում են փոխադարձ շերանունների միջոցով:

⁶ Տե՛ս Ա. Գ. Աբրահամյան, Գրաբարի ձեռնարկ, Ե., 1976, էջ 239:

զՏեաննէ անկարգս ինչ առնել (Յովբ, ԼԴ, 12): Տալ դատաստան՝ զանձանց (Փարպ., 34):

զ) «ԱՄի - տրական Հոլովով կապվող բառաձև», որպիսին պահանջում են վճիռ մատուցանել, մօտ կալ և այլ Հարադրավոր բայեր, ինչպես՝ Այլ յաճեմ ես առ ձեզ մօտ կալով (Նդիշէ, 186) և այլն:

է) «ԱՄի - Հայցական Հոլովով կապվող բառաձև», որպիսին պահանջող Հարադրավոր բայերից են ռեսակալ լինիմ, ձայն արձակել, յափսիթերս երթալ, ողջոյն լինիմ, օրէնս դնել, պարապ բերել և այլն: Օրինակ՝ Եւ Յակոբու զէմ եղեալ առ արքայ (Խոր., 246): Աղօթիւք խնդրուածս առնէին առ Աստուած (Նդիշէ, 81):

ը) «ՎԱՄԵ - սեռական Հոլովով կապվող բառաձև», որպիսին պահանջում են ի կասկածանա անկանիմ, Հրապարակ առնել, վիճումն դնել, նախանձ առնուլ, փոյթ դնել, քէն պահել, քննութիւն առնել և այլ Հարադրավոր բայեր: Օրինակ՝ Զայս արար Մաժան՝ քէն պահելով վասն Սմբատայ (Խոր., 185): Խորհուրդ առնոյր վասն ճանապարհացն (Ագաթ., 459) և այլն:

թ) «Ի ՎԵՐԱՅ - սեռական Հոլովով կապվող բառաձև», որպիսին պահանջում են զերկիւղ ածել, կասկածահար լինիմ, ռեսակալ լինիմ, զողքս հարկանել և այլ Հարադրավոր բայեր: Օրինակ՝ Ինքնին ահարկու լինի ի վերայ այնոցիկ (Ագաթ., 290): Զերկիւղ ածել ի վերայ նոցա (Սիր., Դ, 19) և այլն:

Գրադարի՝ խնդրառությամբ միարժույթ չեզոք սեռի Հարադրավոր մի խումբ բայերի Հետ խնդիր լրացումները հանդես են գալիս կապակցման տարբեր եղանակներով ու միջոցներով:

Որոշ Հարադրավոր բայերի Հետ գրաբար լեզվի զարգացման համաժամանակյա կտրվածքում կապակցվող խնդիրն արտահայտվում է, մի դեպքում՝ տրական Հոլովով, մյուս դեպքում՝ կապական կապակցությամբ: Այդ բայերից են այց առնել, այցելութիւն առնել, աշխար դնել, ի սպասու կալ, փոյթ առնել, փոյթ ունիմ, քինախնդիր լինիմ և այլն: Հմմտ՝ Հաշուէին զնոսա լինել անդէտօ Հրամանի՝ Թագաւորին (Փարպ., 94) և՝ Մի՛ անդէտ լինիր ի փոքունս (Սիր., Ե, 18): Աշխարանս դնել մեռելոյն՝ (Բուդ., 193) և՝ Աշխար. դնել շուրջ դօւզաններով դիակամքն (Բուդ., 102):

Մի շարք բայերի պահանջած ընության խնդիրը կարող է արտահայտված լինել որևէ Հոլովաձևով (ընդ որում՝ տրական կամ բացառական) կամ նախդրավոր կապակցությամբ: Այդ բայերից են՝ ապաստան լինիմ, ժուժկալ լինիմ, լուռ լինիմ, հակառակ կալ, վրէժ հատուցանել և այլն: Օրինակ՝ Նմա լուռ ոչ լինի Կոստանդինոս (Խոր., 237): Լուռ լինէր Թագաւորն Պարսից ի Թշնամութենէ (Բուդ., 115):

Առանձին բայերի Հետ կապակցված ընության խնդիրը կարող է արտահայտված լինել կա՛մ բացառական Հոլովով, կա՛մ կառավան կապակցությամբ: Այդ բայերից են՝ աներկիւղ լինիմ, ապաստան լինիմ, արտաքս

⁷ Հարկ է նշել, որ կապակցման զուգաձևերի մի մասը գրաբարի զարգացման տարժամանակյա կտրվածքի վկայություններ են, ինչպես՝ Յերկայս լինիմ պատգամաց (ՆՀԲ) և՝ վասն այսոցիկ (Սահմ.): Ական տալ բանտարգելոց (Նդիշէ) և՝ ի խաչն (ՆՀԲ): Գիրգա արկանել զքեւ (Առակ., Դ, 8) և՝ գթօց (ՆՀԲ) և այլն:

⁸ Թե՛ այց առնել, Թե՛ այցելութիւն առնել բայերի նախդրավոր խնդիրները կիրառված են Թարգմանական գրականության մեջ՝ Այց արարից ի վերայ նոցա (Նրեմ., ԺԱ, 22): Արարից այցելութիւն ի վերայ ձեր (Նրեմ., ԻԱ, 14):

⁹ Հմմտ. Զաշխար եւ զկոծ դնել մեռելոց (Բուդ., 216):

ելանել, զանց ատենել, թիկունս դարձուցանել¹⁰, ժոյժ ունիմ, շնորհաւ դտանել, պատկառ կալ և այլն¹¹: Հմմտ. Դարձուցին յիս թիկունս (Ագաթ., 172), որք թիկունս դարձուցին առ Տէր (Բուդ., 36) և Իշխեցին ի բուն յիւրեանց Տեառնէն թիկունս դարձուցանել (Ագաթ., 317):

Կան Հարադրավոր բայեր (յանհաւատս լինիմ, կոխան լինիմ, գերիվերոյ լինիմ, երես(ս), ատենել, ժոյժ ունիմ, Հեռի լինիմ, պարապ առնուլ, պարապումն առնուլ և այլն), որոնք պահանջում են կա'մ տրական, կա'մ բացառական Հոլովաձևով արտահայտված բնության խնդիր, թեև այդ Հոլովաձևերը քերականական Հականիշների արտահայտության միջոցներ են¹²: Օրինակ՝ Պարապ առեալ Շապհոյ ի պատերազմացն (Խոր., 285)¹³ և Պարապ առեալ խորհրդաց Շապհոյ՝ նիւթէ չարիս (Խոր., 112):

Մի շարք Հարադրավոր բայեր կարող են պահպանել միջնորդական կառավարման եղանակով կապակցվող, սակայն արտահայտության տարբեր պլաններ ունեցող խնդիր-լրացումներ: Այդ բայերից են՝ ակնկառոյց լինիմ, աշխատ լինիմ, աչա արձակել, գուլթ արկանել, հուպ երթալ, վիճակ արկանել, վճիռ հատանել, ի վնէր դալ և այլն¹⁴: Օրինակ՝ Կաթոգի լինիմ զգօրավարէն (Բուդ., 132), զկնի իմ (ԲԹագ., ԺԵ, 30) և ի սէր քո (Երգ., Ե, 8): Վասն կենդանի յուսոյն դուն գործեալ (Նզնիկ, 240) և ի վերայ դրանն դուն գործեցին (Բ Մակ., ԺԲ, 11) և այլն:

Կապակցութեամբ արտահայտված բնության խնդիրներին՝ միմյանց Հեռ. Համանշային կամ Հոմանշային դաշտեր կազմելու գործընթացի մեջ կարևոր դերը ոչ թե կապվող բառաձևերինն է, այլ կապերինը: Հենց միմյանց Հեռ Համանշութուն կամ Հոմանշութուն կազմող կապերի անմիջական մասնակցութեամբ են ձևավորվում Համանիշ կամ Հոմանիշ բնության խնդիրներ:

Այսպես, իմաստային պլանում Համանիշ բնության խնդիրներ են

¹⁰ Թիկունս դարձուցանել-ը կարող է պահանջել և՛ շնչավոր (անձ կամ կենդանի), և՛ թանձրացական առարկա անվանող բնության խնդիր: Հմմտ. Եւ ոչ մի ի միւսոյ թիկունս դարձայց (Խոր., 270): Եւ ոչ թիկունս դարձուցանէ յանասնոց (Առակ., Լ, 30) և՛ Մի յահագին բոլոյ առն մահկանացուի զթիկունս դարձուցուք (Նդիշէ, 101), որտեղ վերջին կիրառության մեջ առկա է փոխաբերական իմաստ:

Ի դեպ, «Եւ ոչ մի ի միւսոյ թիկունս դարձայց» կառույցը լավագույնս վկայում է, որ ոչ մի ժխտական դերանունն առաջացել է բայի ժխտական խոնարհման ցուցչի՝ Ոչ-ի՝ բայի գրական ձևից ժողովրդական լինելու հետևանքով: Շարադասական այդ ազատությունը հետագայում պատճառ է դարձել, որ այն դիտվի որպես ոչ մի դերանվան բաղադրիչը: Այս բանին նպաստել է Ոչ-ի շեշտակորոշայ լինելը, որի հետևանքով էլ այն արևելահայերենում այլևս չի կարողացել խաղալ նաև գործողություն ժխտողի իր դերը՝ այն զիջելով նոր ժխտականին՝ Հ ձևության:

¹¹ Գ-ձ լինիմ Հարադրավոր բայը պահանջում է ոչ միայն բացառական Հոլովով կամ կապական կապակցությամբ, այլ նաև գործիական Հոլովաձևով արտահայտված խնդիր լրացում: Հմմտ. Գ-ձ լինիմ Տոգաւ (ՆՀԲ), ք մէնջ (Փարպ., 178) և՛ զգմանէ (Նդիշէ, 182):

¹² Անշուշտ, ոչ թուրք Հարադրավոր բայերի պահանջած՝ տրական և բացառական Հոլովաձևերով արտահայտված լրացումներն են բնության խնդիրներ, ինչպես՝ ի տախտակացն խորտակելոց յայտնի եղեալ տեսանէր բերելոյն թախտութիւնս (Կորիւն, 52) և՛ Յայտնի լինէր զօրաւարին (Փարպ., 127):

¹³ Որոշ բայերի տարբեր Հոլովաձևերով բնության խնդիրները գրաբարի կարգացման տարժանանոցից կտրվածքի լեզվական վկայություններն են: Օրինակ՝ Փիլիսոփայութեան՝ չէր ինչ Հեռի (ՆՀԲ) և՛ Հեռի լինիմ ի քէն (ՆՀԲ):

¹⁴ Նշված Հարադրավոր բայերից մի քանիսը խուրի մեջ հանգես են բերում դարձվածքային արժեք, ինչպես՝ զաւհ (և՛ գերկիւղ) տալ, ակնկառոյց լինիմ, աչա արձակել և այլն: Օրինակ՝ Արձակեաց զաչս իւր զհետ Հոմանեաց (Առակ., ԺԷ, 20): Մի՛ ինչ աչա արձակէք գուլթ յաւառ (Ա Մակ., Դ, 17): Զի ետ զաւհ իւր յերկիրն (Նդեկ., ԼԲ, 32): Թօրէ յայսմանէ սկսի՛ր տալ զաւհ քո առաջի ամենայն ազգաց (Բ Օրէն., Բ, 25) և այլն:

ձևավորում ԱՌ/Դ, Ի ՎԵՐԱՅ//ԱՌ, ԸՆԳ//ԱՌ, ԶԿԻ//ՁԼԵՏ, Զ// ՎԱՄՆ, ՎԱՄՆ//Դ ՎԵՐԱՅ, ՅԱՂԱԳՍ//Դ ՎԵՐԱՅ և այլ կապական զույգեր: Հմմա. Իրազեկ լինիմ զքէն (Գործ., ԻԱ, 24) և Իրազեկ լինիմ վասն քո (Գործ., ԻԱ, 21): Վասն խաշանց իմոց դնեմ զանձն իմ (Ագաթ., 238) և Ի վերայ խաշանց քոց եղեր զանձն քո (Ագաթ., 55) և այլն:

Մի շարք նախդիրների մասնակցությամբ ձևավորվում են հոմանիշ բնութայն խնդիրներ, ինչպես՝ Ի//ԶԿԻ, ԱՌ/ՎԱՄՆ, ՅԱՂԱԳՍ//Դ, ԶԼԵՏ//Դ և այլն: Հմմա. Արկանէր գութ, առաջի ուրացելոյն Վասակայ (Եղիշէ, 126) և Արկից զձեօք գութ (Երեմ., ԽԲ, 19): Զկնի նաւավարացն և փախսաէիցն նետաձիգ լինէր (Փարպ., 66) և՝ Նետիւք¹⁵ իւրովք նետաձիգ լիցի ի թշնամիս (Թիւ., Ի, 8):

Խնդրառութայն բերկարծույթ չեղոք սեռի Հարադրավոր բայերը գրաբարում աչքի չեն ընկնում մեծ թիվով: Դրանք, որպես կանոն, պաշանջում են առնվազն երկու խնդիրներ, որոնք երկուսն էլ անվանում են գործողությունն անուղղակիորեն կրող առարկաներ՝ բնութայն խնդիրներ: Սա ինքնին նշանակում է, որ տեսականորեն խնդրառութայն բերկարծույթ չեղոք սեռի Հարադրավոր բայերի լրացում կարող են դառնալ բոլոր խնդիրները՝ բացի ուղիղ և ներգործող անուղղակի խնդիրներից:

Երկարծույթ չեղոք սեռի Հարադրավոր բայերը խնդրառութայն տեսանկյունից միատարր չեն:

Առանձին խումբ են կազմում այն Հարադրավոր բայերը, որոնց պաշանջած բնութայն խնդիրներից մեկն արտահայտվում է որևէ հոլովաձևով, մյուսը՝ կապական կապակցությամբ: Այդ Հարադրավոր բայերից են՝ աւետիս տալ, աւետիս առնուլ, արժանի լինիմ, գոյժ տալ, գուշակ լինիմ, դատ դնել, պատասխանի առնել, վրէժ խնդրել, հրաման առնուլ և այլն:

Հարկ է նկատել, որ նշված բայերի շարքում մեծ թիվ են կազմում այնպիսիք, որոնց հետ հանդես են դալիս տրական հոլովաձևով և կապական կապակցությամբ արտահայտված բնութայն խնդիրներ¹⁶: Դրանք հիմնականում, այսպես կոչված, ասացական բայեր են, ինչպես՝ Դատ դնէր նմա վասն մահուն իւրոց (Եզնիկ, 248)¹⁷: Այլ այժմ իմ է երդումն տուեալ քեզ յանմահ դէսն (Եղիշէ, 158)¹⁸ և այլն:

Տրականով արտահայտված բնութայն խնդրի փոխարեն որոշ բայեր զուղաձեռաբար պաշանջում են կապական կապակցությամբ արտահայտված

¹⁵ Ձևական միջոցի խնդիր է:

¹⁶ Անշուշտ, խնդրառութայն բերկարծույթ չեղոք սեռի Հարադրավոր բայեր չեն դիտվում այնպիսիք, որոնց պաշանջած երկու բնութայն խնդիրներից մեկը անմիջականորեն չի բխում տվյալ բարդութայն բովանդակության պլանից և կրում է պատահական բնույթ (ոչ պարտադիր կառավարում է)՝ պայմանավորված տվյալ խոսքային իրադրությամբ: Օրինակ՝ Զի մի ընդ քո այլ ումեք երկիր պազանիցեմք (Կոչ.): Որդի ընդ հօր ի միում յաստվածութեանն խոստովանակից եղեալ (Կիրոր.): Եւ մեզ լինել անդարձ ընդ նոսա (Փարպ., 105): Ուրախ լերուք (ընդ նմա-Բուգ., 65) ի Քրիստոս (Եղիշէ, 154): Ընդ իս իւրաքանչիւր ծունր նմա ոչ կրկնեալիք (Եղիշէ, 45) նախադասութիւնների մեջ ընդգծված բնութայն խնդիրները արժույթի արտահայտութիւններ չեն, ուստի և դրանք պաշանջող բայերը խնդրառութայն միարժույթ են:

¹⁷ Բայս Հարկ եղած դեպքում կարող է տրական հոլովով արտահայտված խնդրի փոխարեն պաշանջել կապական կապակցությամբ բնութայն խնդիր, ինչպես՝ Դատ դնեմ ընդ Հարս ձեր (Եզնիկ., Ի, 36): Դատ դնել անդ ընդ ձեզ (Եզնիկ., Ի, 35) և այլն:

¹⁸ Կապական կապակցության փոխարեն՝ խնդրառական 2-րդ արժույթը կարող է արտահայտվել անորոշ դերբայով, ինչպես՝ Տայր երդումն արքայն Պարսից արքային Արշակայ երդնույ Աւետարանաւն (Բուգ., 107):

խնդիր¹⁹: Հմմտ. Ապա քու եղև նմա (Ա Մակ., Զ, 1), լուր լիցի յամենայն Հեթանոսս (Նէեմ., Զ, 6), լու եղև առ դատաւորն (Մատթ., ԻԸ, 14) և այլն:

Որոշ երկարժույթ բայերի պահանջով անմիջական կառավարմամբ կապակցվող բնության խնդիրն արտահայտվում է բացառական հոլովով: Այդ բայերից են՝ զոդորմութիւն առնել, վրէժ խնդրել, վրէժ հատուցանել, վրէժս պահանջել, հրաման առնուլ²⁰ և այլն: Օրինակ՝ Վրէժս հատուցանել ընդ մահուանն Յովհաննու Մկրտչին (Խոր., 147) և Տեառնէ (Թիւ., ԼԱ, 3): Առ նա եկեալ վրէժս յԱրտաշէ պահանջեսցեն (Խոր., 209) յաղագս յանցանաց (Խոր., 128): Եւ խնդրեցից զվրէժխնդրութիւն իմ փոխանակ երկուց աչաց իմոց (Նաւուա, Ա, 9) յայլազգեսց աստի (Դատ., ԺԶ, 28) և այլն:

Առանձին խումբ են կազմում այն հարադրավոր բայերը, որոնց պահանջած երկու բնության խնդիրներն էլ արտահայտված են իրարից տարբեր կապական կապակցութիւններով: Այդ հարադրավոր բայերից են՝ աղաղակ առնել, աղաղակ բառնալ, աղաչանս դնել, աղօթս առնել, աղօթս մատուցանել, ամբաստան լինիմ, բարեխօս լինիմ, բողոք արկանել, բողոք կարդալ, բողոք հարկանել, սակ արկանել, վկայութիւն գնել և այլն²¹:

Այս շարքի հարադրավոր բայերի պահանջած երկու բնության խնդիրներն էլ կապակցվում են միջնորդական կառավարման եղանակով՝ արտահայտված այնպիսի մասնակաղապարներով, ինչպիսիք են՝ «Ամի - հայցական հոլովով կապվող բառածեւ», «ՎԱՄՆ - սեռական հոլովով կապվող բառածեւ», «Ի ՎԵՐԱՅ - սեռական հոլովով կապվող բառածեւ», «Ի(յ) -(+) հայցական հոլովով կապվող բառածեւ», «Զ + բացառական հոլովով կապվող բառածեւ», «ԸՆԴ - սեռական հոլովով կապվող բառածեւ», «ՓՈՒՆԱՆԱԿ - սեռական հոլովով կապվող բառածեւ», «ԸՆԴ - հայցական հոլովով կապվող բառածեւ» և այլն, որոնք միմյանց հետ կազմում են քերականական հոմանշության կամ համանշության դաշտեր: Օրինակ՝ Հռչակ հարկանել զմէնջ ի Քրիստոս²² (Մարկ., Ա, 45): Ոչ դահեկանի միոջ սակարկէր ընդ իս (Մատթ., Ի, 13) և այլն:

Խնդրառությամբ երկարժույթ հարադրավոր բայերի շարքում առանձնանում են նաև այնպիսիք, որոնց պահանջած երկու բնության խնդիրներն արտահայտվում են իրարից տարբեր հոլովածեւներով: Այդ բայերից են՝ արժանի լինիմ, դատ առնել, դարձ լինիմ, դաւ լինիմ, դուլ տալ, թեթեւ լինիմ, թողութիւն առնել, թօշկատար լինիմ, իրաւունս առնել, պատկառ կալ և այլն:

Չեզոք սեռի հարադրավոր բայերի պարադառութիւնը²³: Չեզոք սեռի հարադրավոր բարդութիւնների ուսումնասիրութիւնը ցույց է տալիս, որ դրաբա-

¹⁹ Այնպես որ նմանատիպ բայերը կարող են դասվել նաև այն բայերի շարքը, որոնց պահանջած երկու բնության խնդիրներն էլ արտահայտված են կապական կապակցութիւններով:

²⁰ Բայիս խնդրառական երկրորդ արժույթը, կապական կապակցութիւն փոխարեն, երբեմն արտահայտվում է անորոշ դերբայով՝ Ի Տեառնէ առին հրամանս սիրել զմիմեանս (Աղաթ., 342):

²¹ Թեև գրաբարի գրավոր աղբյուրներում բացակայում են համապատասխան լեզվական փաստերը, այնուամենայնիւ, նշված շարքում պայմանականորեն տեղ է տրվել նաև մի շարք այնպիսի բայերի, որոնց բառմաստից դժվար է ենթադրել, որ դրանք խնդրառությամբ երկարժույթ են:

²² Հմմտ. Եւ այս Հռչակ հարկանէր զնացանէ (Բուզ., 88) ընդ երկիր ամենայն, որտեղ ընգծված պարագան բնության խնդիրներից մեկի (Ի Քրիստոս) իմաստային փոփոխակն է:

²³ Անշուշտ, ոչ բոլոր բայերին է հատուկ տեղի պարադառութիւնը: Գրաբարում կան բազմաթիւ բայեր, որոնք հնարավորութիւն չունեն պահանջելու տեղի պարագա: Դրանք այն բայերն են, որոնց հարադիրը ժամանակին գործածվել է անկախ՝ կատարելով տեղի պարագայի շարահյուսական գործառութիւն (օրինակ՝ Ի մէջ գալ, Ի մէջ կալ, Ի մէջ մատչիմ, Ի մէջ մտանել, յերկիր կործանիմ, յերկիր անկանիմ և այլն), ինչպես նաև այն բայերը, որոնց հարադրի բաղադրիչներից մեկն անվանվում է մյուս բաղադրիչով՝ բայարմատով անվանվող

րում պարագաառական արժույթով ավելի հաճախ բնութագրվում են խնդրա-
ռությունը արժույթագուրկ բայերը: Նշված փաստը պատահական խոդողություն չէ:
բանն այն է, որ խնդրառությունը արժույթագուրկ բայերի մի մասի համար
բայական բաղադրիչի՝ Հարադրյալի գործառույթ են կատարում բնթացք,
շարժում անվանող համադրական բայերը, որոնցից են՝ մտանել, ելանել, գալ,
գնալ, խաղալ, երթալ, դառնալ և այլն, իսկ մի մասի համար էլ հոբանջի միջոցով
է անվանվում ընթացք, շարժում, ինչպես՝ ի փախուստ, հեշտապահաց,
դեսպանապահաց, գահավեժ, երթեռել և այլն: Ինքնին հասկանալի է, որ
նմանատիպ բաղադրիչներով Հարադրված բայերի գործողության ավարտի
համար խոսքային իրադրության մեջ կարևորվում է նաև այդ գործողության
կատարման տեղի՝ քերականական իմաստի արտահայտությունը:

Լեզվական փաստերը վկայում են, որ ո՛չ չեզոք սեռի պարագաառու
Հարադրավոր բայերն են հանդես բերում իմաստային միատարրություն, ո՛չ էլ
վերջիններիս պահանջած տեղի պարագաները:

Որոշ Հարադրավոր բայեր, այսպես կոչված, բուն տեղի պարագաառու են,
ինչպես բանակ հարկանիմ, գեղնատարած լինիմ, դարան մտանել, դարանամուտ
լինիմ, երթեռել առնել, երթեռել առնուլ և այլն: Բերված բայերի պահանջած
բուն տեղի պարագաները կարող են արտահայտվել՝

«Ի + եզակի թվի տրականով (կամ հոգնակի հայցականով) արտահայտ-
ված կապվող բառաձև» կապական կապակցությամբ, որն, ինչպես հայտնի է,
բուն տեղի պարագայական իմաստի արտահայտման հիմնական միջոցն է:
Օրինակ՝ Հալածիչք մեր յանապատի ի դարան մտեալ պաշարեցին զմեզ (Ողբ,
Դ, 19): Տապաստ անկցին ի հրապարակս քաղաքին իւրեանց (Յուդ., է, 9) և
այլն:

Այլ կապական կապակցություններով, որոնք գրաբարի լեզվական ադ-
բյուրներում ունեն բացառիկ կիրառություններ, ինչպես՝ Անկեալ կայր առաջի
դահոյից (Նաթ., ԺԲ, 8): Ի վերայ երկրի գեղնատարածք լինէին (Փարս., 110) և
այլն:

Բուն տեղի պարագա պահանջող չեզոք սեռի Հարադրավոր բայերի մեջ կան
այնպիսի բարդություններ, որոնց պահանջած կամ ենթադրած տեղի պարագան
միշտ չէ, որ բառային արտահայտություն ունի: Դրանցից են՝ բանակ հարկանիմ,
երթեռել առնուլ, գտեղի առնուլ, նաւաբեկ լինիմ և այլ բայեր: Օրինակ՝ Սա ի
թաքստեան լեալ (Խոր., 14): Ճակատ յարդարէր (Բ. Մակ., ԺԵ, 20) և այլն:

Չեզոք սեռի Հարադրավոր բայերի մի խումբ պահանջում է, այսպես
կոչված, պարառական տեղի պարագա: Իբրև պարագաառու բայեր՝ դրանք
միարժույթ են և առանձնանում են իրենց սահմանափակ թվով, որ նշան է, թե ոչ
բոլոր Հարադրավոր բայերին է հատուկ պահանջել պարառական տեղի

գործողության կատարման տեղը, ինչպես՝ ծովընկեցիկ լինիմ, քաղաքաբնակ լինիմ,
դաշտամուխ լինիմ և այլն: Օրինակ՝ Յերկիթ՝ կորեանեցաւ (Բուդ., 37): Կարծիք ի մէջ
մտանէին, թէ... (Եղիկ, 56): Իսկ նա, ի մէջ մատուցեալ, խօսել սկսաւ (Բուդ., 68): Ապա ի
մէջ եկաց, սկսաւ ստել սակաւ (Բուդ., 59): Որ ի մէջ գալ ոչ կարեն (Ագաթ., 261):
Քաղաքաբնակ լինիմ (Գիտ.): Ընդ առաւտն կանխեալ լինէին դաշտամուխ (Ա. Մակ., ԺԶ,
5): Կիսամեղք յերկիր անկեալ դնէին (Նիդ., 186) և այլն:

պարագա²⁴: Այդ բայերից են՝ բակ առնուլ, բակ ունիմ, շուրջ գալ, շուրջ կալ, շուրջ պատել, շրջան առնուլ, պատ առնուլ, ցանկ ածել և այլն:

Պարառական տեղի պարագաներն արտահայտվում են «Ձ նախդիր + գործիական Հոլովով արտահայտվող կապվող բառաձև» մասնակաղապարով, որին երբեմն Հարադրվում է շուրջ կապը՝ մի տեսակ թարմացնելով, Ձ նախդրով ձևավորված, բայց Հենց V դարում մթադնվող պարառական իմաստը: Չորով պատ առեալ Երասխայ՝ ընդդէմ Ախուրեանն Հոսի գետ (Մոր., 165): Շուրջ զնովա ցանկ ածել (Մատթ., ԺԲ, 1) և այլն:

Ուղղության տեղի պարագա են պահանջում ասպատակ առնել, ասպատակ տալ, ասպատակ դնել, ասպատակ սփռել, արշաւանս դնել, բանադնաց լինիմ, գերի երթալ, ի փախուստ կալ և այլ բայեր: Օրինակ՝ Սկսանէր ասպատակ դնել ի կողմանս Պարսից (Ադաթ., 16): Երթիցի՛ր գերի ի Բաբելոն (Երեմ., Ի, 6):

Ուղղության տեղի պարագան գրաբարում արտահայտվում է նաև «ԱՄ նախդիր-Հայցական Հոլովով կապակցվող բառաձև» մասնակաղապարով, որ պահանջում են ընթացք, գնացք անվանող մի շարք բայեր, ինչպիսիք են՝ դեսպանադնաց լինիմ, թափ մտանել, Հրեշտակադնաց լինիմ, յափսիթերս երթալ, յափսիթերս խաղալ, փախստական դառնալ, փախստական լինիմ և այլ բայեր: Օրինակ՝ Սա դեսպանադնաց լեալ էր Կո Վարազշապուհ (Բուդ., 141): Թափ մտին բոլորեքեան առ իշխանն Միմեաց Վասակ (Փարս., 61) և այլն:

Կան բայեր, որոնք տարբեր կիրառության մեջ պահանջում են տարբեր տեղի պարագաներ՝ մի դեպքում՝ ելման, մյուս դեպքում՝ վերջնակետի կամ անցման և այլն: Այդ բայերից են՝ արտաքս Հոսել, ի բաց իջանել, նաւադնաց լինիմ, չու առնել, փախստական լինիմ, գերեզարձ լինիմ և այլն: Օրինակ՝ Չու արարեալ յԱյրարատեան գաւառէն (Բուդ., 426): Չու արարեալ ամենայն բազմութիւնն Հայոց ի տեղիս²⁵ Հովոց (Փարս., 60) և այլն:

Չեզոք սեռի Հարադրավոր մի շարք բայեր պարագաառության տեսանկյունից եռարժույթ են: Դրանք կարող են միաժամանակ պահանջել երեք տեղի պարագաներ, որոնք արտահայտում են քերականական տարբեր իմաստներ՝ ելման կամ սկզբնական տեղի պարագա, վերջնական տեղի պարագա և այդ երկուսն իրար կապող օղակը՝ անցման տեղի պարագա: Անշուշտ, պետք է նշել, որ գրաբարում (և ոչ միայն գրաբարում) ընդունված է միևնույն նախադասության մեջ՝ ելման, անցման և վերջնական տեղի պարագաների միաժամանակ գործածություն: Այս կամ այն նախադասության մեջ այդ պարագաները գործածվում են ըստ անհրաժեշտության: Դրանով կարելի է բացատրել, որ՝

1. պարագաառությամբ եռարժույթ մի շարք բայեր պահանջում են միայն ելման կամ սկզբնական տեղի պարագա: Այդ բայերից են՝ արշաւանս առնել, արտասահման լինիմ, ի բաց ելանել, գերի գնալ և այլն: Օրինակ՝ Յաղապարշաւ արշաւանս առնելոյ ի Պաղեստինէ (Մոր., 94): Յաշխարհէն ի բաց կամէր գնալ (Շղիշէ, 199): Գնացեալ ի բաց ի տեղուղէն (Փարս., 101): Գահավէժ լինի ի

²⁴ Ասվածին Հակոբակ՝ պարառական պարագա պահանջող բայերը կարող են պահանջել այլ տեղի պարագա եւ: Օրինակ՝ Շուրջ կալով ի վերայ արծաթի սկտեզն (Փարս., 35):

²⁵ Պայմանականորեն այս շարքն ենք դասում նաև թափանցիկ լինիմ բայը, որը պահանջում է անցման տեղի պարագա, ինչպես՝ Ենչտ ընդ մէջ թիկանցն թափանցիկ լեալ յերկիր Հարստի սլաքն (Մոր., 38):

²⁶ Չու առնել Հարադրավոր բարդութիւնը ավելի Հաճախ պահանջում է երկու տեղի պարագա: Վերջնական տեղի պարագա պահանջելիս չու առնել-ը ավելի Հաճախ զուգադրվում է ընթացք անվանող այլ բայերի հետ, ինչպես՝ Չու արարեալ երթալ ի կողմանս Հայոց (Ադաթ., 21): Չու արարեալ գնաց յերկիրն Արարադայ (Մոր., 33): Չու առնել գնալ ի դուռն (Փարս., 75):

ծայրից բարձրաւանդակին (Բ Մնաց., ԻԵ, 12): Որ էր գերի եկեալ յԵրուսաղեմէ (Նսթ., ԻԹ, 6):

2. Պարադաառութեամբ եռարժույթ որոշ բայեր գրավոր աղբյուրներում ունեն կամ ենթադրում են միայն վերջնակետի տեղի պարագա²⁷: Վերջինս այլ կերպ անվանվում է ուղղութեան տեղի պարագա և գլխավորապես արտահայտվում է «Ի(յ) -(+)» եզակի (կամ հոգնակի) հայցական հոլովով արտահայտված բաղաձեռ» կապական կապակցութեամբ:

Պարադաառական արժույթով են օժտված նաև խնդրառութեամբ միարժույթ չեզոք սեռի մի շարք բայեր: Դրանցից մի քանիսը բացառական հոլովով բնութեան խնդրի փոխարեն հնարավորություն ունեն պահանջելու առնվազն մեկ տեղի պարագա. պարադաառութեամբ երկարժույթ են: Այդ բայերից են՝ խոյս տալ, փախստական լինիմ, ի փախուստ դառնալ, գաղտագողօնք լինիմ և այլն: Հատկանշական է, որ ենթադրվող տեղի պարագան միշտ է, որ կիրառվում է հիշյալ բնութեան խնդրի հետ միաժամանակ: Օրինակ՝ Խոյս ետ ի նոցանէ զկողմամբ Կաւկասու (Խոր., 288) ընդ ճանապարհ անապատին (Դատ., Ի, 42) յանապատ տեղիս (Ղուկ., Ե, 16) և այլն:

Խնդրառութեամբ միարժույթ որոշ բայեր, տրական հոլովաձևով արտահայտված բնութեան խնդրին զուգահեռ գործություն ունեն պահանջելու առնվազն մեկ տեղի պարագա (պարադաառութեամբ երկարժույթ են): Այդ բայերից են՝ գերեղարձ առնել, դարդ լինիմ, մասնամուտ առնել և այլն, որոնց խնդրառութեան և պարադաառութեան արժույթները միշտ է, որ դրսևորվում են շարահյուսական միևնույն կառույցի մեջ: Օրինակ՝ Թաղաւորն Յունաց գերեղարձ առնէր գերութեան արքային Պարսից (Բուզ., 50) ի հայրենի երկիրն (Նղիշ., 117) և այլն:

Միարժույթ մի շարք բայերի հարադիրների միջոցով անվանվում է գործողության կատարման ուղղություն, ինչպես՝ ընդ առաջ երթալ, ընդ առաջ լինիմ, դարձընթաց լինիմ և այլն: Նշված տիպի հարադրավոր բարդությունները ևս տրականով բնութեան խնդրի հետ միաժամանակ պահանջում են գործողության կատարման տեղի պարագա կամ պարագաներ: Օրինակ՝ Ապա Դատաբէն՝ եթայր ընդ առաջ զօրացն Պարսից մինչև ի լեառնն (Բուզ., 62): Ընդ առաջ լինել Տեառն ի վերայ օդոց (Ագաթ., 309) և այլն:

Սրանցից բացի՝ պարադաառական արժույթով բնութագրվում են նաև խնդրառութեամբ միարժույթ այնպիսի հարադրավոր բայեր, որոնք տվյալ պարագան պահանջում են ոչ թե բնութեան խնդրին զուգահեռ, այլ բնութեան խնդրի փոխարեն, որն արտահայտվում է «Ա(ի) - հայցական հոլովով կապվող բառաձեռ», «Ի(յ) -(+)» եզակի թվի տրականով կապվող բառաձեռ», «Ի(յ) -(+)» հայցական հոլովով կապվող բառաձեռ», «Վ + գործիական հոլովով կապվող բառաձեռ» և այլ մասնակաղապարներով:

Խնդրառութեամբ երկարժույթ բայերը ևս կարող են հարկ եղած դեպքում պահանջել նաև պարագաներ, որոնք տվյալ բայերի համար պարտադիր չեն, ուստի և արժույթի տեսանկյունից դիտվում են անկարևոր: Ինչպես՝ Զորոց վկայութիւն դնեմ ձեզ յաւուր յայմիկ (Ագաթ., 362): Վասն նախանձու (Ամակ., Բ, 58) խնդրել զվրէժս թշնամանաց դատերն իւրոյ (Փարպ., 39) ի ձեռն քո (Ղևա., ԺԹ, 18): Աղաղակ արասցեն յաւուր յայմիկ (Նս., Ե, 30): Աղաղակ

²⁷ Ընթացք, գնացք անվանող այս բայերի հետ չպետք է շփոթել ի բաց գուլ, զօրաժողով առնել, յոտն կալ, ընդ ոտն կալ և նմանատիպ հարադրավոր բայերը, որոնք պահանջում են միայն երկնետի տեղի պարագա, ինչպես՝ Յոտն կացին ի բաղմականաց (Նղիշ., 115): Զօրաժողով արարեալ յամենայն կողմանց՝ կամէր խաղալ ի վերայ Հեփթաղին (Փարպ., 115):

բարձր յայնկոյս ծովուն (Երեւն., ԻԲ, 20): Ի նմին լերին աղօթս առնէր (Կորին., 82) և այլն:

Չեղոք սեռի՝ խնդրառությամբ արժույթագուրկ բայերի մի զգալի մասը դարձվածքային արժեք է ներկայացնում. հանգամանք, որ խոսում է ժողովրդախոսակցական ոլորտին հատուկ լեզվական տարրերի՝ դեռևս V դարի գրական աղբյուրներում անկաշկանդ գործածության օգտին:

Հատ մեր հաշվարկների՝ գրաբարի բայական հարադրությունների շարքում չեղոք սեռի հարադրավոր բայերի թիվը հասնում է մոտ 1200-ի: Դրանց մի մասն աչքի է ընկնում գործառական մեծ հաճախականությամբ: Հարադրավոր մյուս բայերի հետ միասին չեղոք սեռի հարադրավոր բարդությունները գրավոր խոսքին հաղորդում են բանավոր խոսքին հատուկ պատկերավորություն:

ՀԱՄԱՆՈՏԱԳՐՈՒԹՅՈՒՆՆԵՐ

Ագաթ. — Ագաթանգեղայ Պատմութիւն Հայոց, Տիգրիս, 1909:

Բուզ. — Փաւստոսի Բուղանդացւոյ Պատմութիւն Հայոց, Ս. Պետերբուրգ, 1883:

Եզնիկ — Եզնկայ Կողբացւոյ Եղծ աղանդոց, Վենետիկ, 1826:

Եղիշէ — Եղիշէի Վասն Վարդանայ եւ Հայոց պատերազմին, Ե., 1957:

Խոր. — Մովսիսի Խորենացւոյ Պատմութիւն Հայոց, Տիգրիս, 1913:

Կորին. — Կորյուն, Վարք Մաշտոցի, Ե., 1941:

ՆՀԲ — Նոր բսոգիրք հայկազեան լեզուի, Հ.1, Ե., 1979, Հ.2, Ե., 1981:

Փարպ. — Ղազարայ Փարպեցւոյ Պատմութիւն Հայոց, Տիգրիս, 1904:

КЛАССИФИКАЦИЯ ДРЕВНЕАРМЯНСКИХ СОСТАВНЫХ ГЛАГОЛОВ СРЕДНЕГО ЗАЛОГА ПО ИХ ВАЛЕНТНОСТИ К ДОПОЛНЕНИЮ И ОБСТОЯТЕЛЬСТВУ

Г. К. ХАЧАТРЯН

Р е з ю м е

Исследование составных глаголов среднего залога свидетельствует о том, что они подразделяются на два типа: а) требующие дополнения; б) не требующие дополнения.

Глаголы первого типа бывают одновалентные и двувалентные. Они требуют дополнения, обусловленного не их грамматической категорией залога, а семантическими особенностями данных глаголов. По этой причине они не могут требовать ни прямого, ни косвенного дополнения воздействия.

Валентность к обстоятельству проявляется требованием обстоятельства места, что особенно присуще безвалентным к дополнению глаголам.

С точки зрения валентности к дополнению, в грабаре выделяются одновалентные, двувалентные и даже трехвалентные глаголы среднего залога.